

08/07/2024

Starfsskýrsla 2023

Skýrsla Breiðafjarðarnefndar til
umhverfis-, orku- og loftslagsráðherra



Efnisyfirlit

Inngangur	2
Aðsetur Breiðafjarðarnefndar	2
Skipan Breiðafjarðarnefndar	2
Starfsmaður Breiðafjarðarnefndar	2
Fundir Breiðafjarðarnefndar	3
Kostnaður við störf nefndarinnar	3
Starfsemi á árinu 2023	5
Dagleg starfsemi	5
Heimasíða Breiðafjarðarnefndar	5
Umsögn um erindi	5
Bæklingar Breiðafjarðarnefndar	5
Framkvæmdaáætlun Breiðafjarðarnefndar 2022- 2025	5
Vettvangsferð Breiðafjarðarnefndar	6
Áherslumál Breiðafjarðarnefndar árið 2023	7
Framkvæmdaáætlun Breiðafjarðarnefndar 2022- 2025	7
Örnefnaskráning	8
Gróðurannsókn í eyjum Breiðafjarðar	8
Rannsókn á framandi tegundum í sjó á Breiðafirði	9
Framtíð Breiðafjarðar	9
Endurheimt Hraunsfjarðar	10
Lokaorð	10

Inngangur

Breiðafjarðarnefnd starfar í samræmi við lög nr. 54/1995 um vernd Breiðafjarðar, en tilgangur laganna er að stuðla að verndun Breiðafjarðar, einkum landslags, jarðmyndana, lífríkis og menningarminja. Hlutverk nefndarinnar er að vera ráðherra til ráðgjafar um allt það er lýtur að framkvæmd laga um vernd Breiðafjarðar.

Frá því að lög um Breiðafjörð voru samþykkt á Alþingi hafa ekki verið gerðar efnislegar breytingar á þeim; eingöngu smávægilegar breytingar vegna breytinga á öðrum lögum sem þau tengjast. Hægt er að skoða lögina á heimasíðu Alþingis, sbr. <https://www.althingi.is/lagas/146a/1995054.html>.

Aðsetur Breiðafjarðarnefndar

Skrifstofa Breiðafjarðarnefndar er, samkvæmt ákvörðun ráðherra, vísuð hjá Náttúrustofu Vesturlands, Hafnargötu 3 í Stykkishólmi og hefur svo verið frá árinu 2001.

Skipan Breiðafjarðarnefndar

Umhverfis-, orku og loftslagsráðherra, sem fer með stjórn mála er varða vernd Breiðafjarðar, skipar fulltrúa í Breiðafjarðarnefnd. Breiðafjarðarnefnd skal árlega gefa ráðherra skýrslu um störf sín. Um skipan Breiðafjarðarnefndar er fjallað í 4 gr. laganna en þar segir m.a.: „Í nefndinni eiga sæti sjö menn, sem ráðherra skipar til fjögurra ára í senn sem hér segir: Sveitarfélög sem liggja að Breiðafirði tilnefna fjóra fulltrúa á þann hátt sem ráðherra ákveður í reglugerð, Náttúrufræðistofnun Íslands og náttúrustofur á Vesturlandi og Vestfjörðum einn sameiginlega og einn er tilnefndur af Minjastofnun Íslands. Ráðherra skipar einn mann í nefndina án tilnefningar og skal hann vera formaður. Varamenn skulu skipaðir með sama hætti.“

Sitjandi nefnd var skipuð af ráðherra þann 4. ágúst 2021. Hana skipa eftirtaldir:

- Erla Friðriksdóttir, formaður, skipuð án tilnefningar, til vara Guðríður Þorvarðardóttir.
- Karl Kristjánsson, tilnefndur af Reykhólahreppi, til vara Rebekka Eiríksdóttir.
- Arnheiður Jónsdóttir tilnefnd af Vesturbyggð, til vara Ólafur Helgi Haraldsson.
- Valdís Einarsdóttir, tilnefnd af Dalabyggð, til vara Eyjólfur Ingvi Bjarnason.
- Arnar Kristjánsson, tilnefndur sameiginlega af Stykkishólmsbæ, Helgafellssveit, Grundarfjarðarbæ og Snæfellsbæ, til vara Steinunn I. Magnúsdóttir.
- Magnús A. Sigurðsson, tilnefndur af Minjastofnun Íslands, til vara Þór Ingólfsson Hjaltalín.
- Sigurður Halldór Árnason, tilnefndur af Náttúrufræðistofnun Íslands, Náttúrustofu Vestfjarða og Náttúrustofu Vesturlands, til vara Sunna Björk Ragnarsdóttir.

Starfsmaður Breiðafjarðarnefndar

Jakob Stakowski, starfsmaður Náttúrustofu Vesturlands, vann með Breiðafjarðarnefnd í 25% starfshlutfalli á árinu.

Fundir Breiðafjarðarnefndar

Breiðafjarðarnefnd hélt 9 nefndarfundi á árinu 2023, þar af sjö staðfundi og tveir fjarfundir.


Nefndin fundaði með umhverfis-, orku og loftslagsráðherra til að ræða málefni Breiðafjarðar þann 23. ágúst og 12. desember 2023. Allir sjö fjarfundir nefndarinnar árið 2021 fóru fram í gegnum fjarfundabúnaðinn Teams.

Fundafyrirkomulagið á Teams reyndist vel á tímum heimsfaraldurs og mun nefndin áfram nýta þann möguleika fyrir meirihluta funda. Hún mun þó jafnframt hittast á staðfundum u.þ.b. tvisvar á ári.

Um fjöllum mála og afgreiðslur nefndarinnar er að finna í fundargerðum sem birtar hafa verið á heimasíðu nefndarinnar¹.

Kostnaður við störf nefndarinnar

Fjárveitingar til Breiðafjarðarnefndar árið 2023 skv. fjárlögum námu 12,1 milljónum kr. Mynd 1 hér að neðan sýnir þróun fjárveitinga til Breiðafjarðarnefndar til ársins 2023, leiðrétt fyrir breytingum á launavísitölu. Samkvæmt þeim útreikningum hefur verðgildi framlagsins dregist mikið saman á tímabilinu



Mynd 1: Fjárveitingar til Breiðafjarðarnefndar frá 2003-2023, leiðrétt fyrir breytingum á launavísitölu.

¹ <http://www.breidafjordur.is/breidafjardarnefnd/fundargerdir/>

og var um 52% lægra árið 2023 en það var árið 2003. Í töflunni hér að neðan má sjá yfirlit yfir ráðstöfun fjárveitinga nefndarinnar árið 2023.

Fjármál Breiðafjarðarnefndar 2023		
Rekstrartekjur		Bókað
		2023
	Ríkissjóður samkvæmt fjárlögum.....	12.100.000
	Flutt frá fyrra ári.....	
	Tekjur alls	12.100.000
Rekstrargjöld		Bókað
		2023
	Rekstur nefndar	
	Nefndalaun	778.000
	Launatengd gjöld	147.000
	Náttúrustofa skv. þjónustusamningi	4.813.343
	Sími, internet og lén.....	45.297
	Vextir, bætur, skattar.....	
	Tölvuþjónusta.....	
	Annar kostnaður.....	
	SAMTALS	5.783.640
	Fundagjöld	
	Akstur	117.534
	Dvalarkostnaður	77.560
	Dagpeningar.....	
	Fargjöld.....	
	Veitingar.....	43.010
	Vettvangsferð.....	444.100
	Annar kostnaður	
	SAMTALS	682.204
	Kostnaður við rannsóknir og verkefni:	
	Styrkir til rannsóknaverkefna.....	5.958.233
	Bæklingagerð.....	
	Prentun bæklinga.....	
	Flutningur bæklinga.....	
	Annar kostnaður.....	
	SAMTALS	5.958.233
	Rekstrargjöld alls	12.424.077
Rekstrarniðurstaða		2023
	Tekjur samtals:	12.100.000
	Gjöld samtals:	12.424.077
	Afkoma	-324.077

*Tafla 1: Rekstraryfirlit Breiðafjarðarnefndar á árinu 2023.
Nefndarlaun vegna ársins 2022 voru bókfærð á árið 2023*

Starfsemi á árinu 2023

Dagleg starfsemi

Heimasíða Breiðafjarðarnefndar

Breiðafjarðarnefnd heldur úti heimasíðu á slóðinni www.breidafjordur.is. Þar má m.a. nálgast fundargerðir, umsagnir og starfsskýrslur nefndarinnar, verndaráætlun auk annarra skýrsla sem nefndin hefur styrkt og sem tengjast vernd náttúru og menningar á verndarsvæði Breiðafjarðar.

Á heimasíðu Breiðafjarðarnefndar er einnig að finna undirsíðu tileinkaða „framtíð Breiðafjarðar“ en þangað hafa verið settar inn allar upplýsingar varðandi vinnu nefndarinnar um framtíð verndarsvæðisins, sem lauk með skýrslu til ráðherra í ársbyrjun 2021.

Umsögn um erindi

Á árinu 2023 fjallaði Breiðafjarðarnefnd, sem fyrr, um erindi sem nefndinni bárust. Samtals bárust Breiðafjarðarnefnd 11 mál til umsagnar og voru öll erindi vegna skipulagsmála og um frumvörp og reglugerðir. Umsagnir Breiðafjarðarnefndar eru aðgengilegar á heimasíðu nefndarinnar².

Bæklingar Breiðafjarðarnefndar

Breiðafjarðarnefnd hefur gefið út bæklingana „Breiðafjörður - Náttúra og saga“, „Fuglalíf á Breiðafirði“, „Hlunnindanýting á Breiðafirði“ og „Öryggi og umgengni á Breiðafirði“ á bæði íslensku og ensku. Bæklingunum er dreift án endurgjalds, m.a. til ferðaþjónustuaðila við Breiðafjörð, auk þess sem þeir eru aðgengilegir á heimasíðu Breiðafjarðarnefndar³.

Framkvæmdaáætlun Breiðafjarðarnefndar 2022- 2025

Breiðafjarðarnefnd samþykkti framkvæmdaáætlun 2022- 2025 í byrjun árs 2024. Tilgangur áætlunarinnar er að auðvelda yfirsýn yfir þau verkefni sem Breiðafjarðarnefnd hefur samþykkt og verkefni sett fram í verndaráætlun fyrir Breiðafjörð 2019- 2022. Framkvæmdir og verkefni Breiðafjarðarnefndar árs 2023 er hægt að sjá í töflu 2 fyrir neðan.

² <http://www.breidafjordur.is/breidafjardarnefnd/umsagnir/>

³ <http://www.breidafjordur.is/wp-content/uploads/2021/04/baeklingur-2019.pdf>

i.d.	Verkefni	Tímarammi	Ábyrgðaraðili	Forsenda	Staða
2023.1	Starfsskýrsla 2022	Jan-mars	Breiðafjarðarnefnd	Rekstur	Lokið
2023.2	Fjárhagsáætlun 2023	Jan-mars	Breiðafjarðarnefnd	Rekstur	Lokið
2023.3	Uppfærsla heimasíðu	Jan-des	Breiðafjarðarnefnd	Rekstur	Lokið
2023.4	Endurskoðun verndaráætlunar	Jan-des	Náttúrustofa Vesturlands, Náttúrustofa Vestfjarða	Rekstur, stefnumörkun	í vinnslu
2023.5	Stýrihópur um forsendugreiningu fyrir vernd Breiðafjarðar og byggðaðróun	Jan-des	Breiðafjarðarnefnd	Samstarf	í vinnslu
2023.6	Fræðsla og kynning á verndarsvæði Breiðafjarðar	Jan-des	Breiðafjarðarnefnd	Fræðsla	í vinnslu
2023.7	Örnefnaskráningar - Verkluti 2022-2023	Feb-des	Náttúrufræðistofnun Íslands	Rannsóknir	í vinnslu
2023.8	Samráð við Reykhólahrepp og Framfarafélag Flateyjar vegna skipaheimsóknar AECO í Flatey	Feb-des	Breiðafjarðarnefnd	Samstarf	í vinnslu
2023.9	Rannsókn um ágengar og framandi tegundir í höfnum við Breiðafjörð 2023-2025	Mars-des	Breiðafjarðarnefnd, Náttúrustofa Suðvesturlands	Rannsóknir	í vinnslu
2023.10	Bæklingar um Breiðafjörð - Prentun og dreifing	Mai-sept	Breiðafjarðarnefnd	Fræðsla	Lokið
2023.11	Vettvangsferð	Ágúst-sept	Breiðafjarðarnefnd	Rekstur	Lokið
2023.12	Gróðurannsókn í eyjum Breiðafjarðar	Ágúst-des	Breiðafjarðarnefnd, Náttúrustofa Vestfjarða	Rannsóknir	í vinnslu
2023.13	Endurheimt Hraunsfjarðar	Sept-des	Breiðafjarðarnefnd	Rannsóknir	í vinnslu
2023.14	Framkvæmdaáætlun Breiðafjarðarnefndar 2022-2025	Okt-des	Breiðafjarðarnefnd	Rannsóknir	í vinnslu

Tafla 2: Framkvæmdaáætlun Breiðafjarðarnefndar 2023. Heimild:
<http://www.breidafjordur.is/breidafjardarnefnd/framkvamdaaetlun/>

Nánar er hægt að lesa um framkvæmdir og verkefni Breiðafjarðarnefndar á ári 2023 í framkvæmdaáætlun á heimsíðu nefndarinnar⁴.

Vettvangsferð Breiðafjarðarnefndar

Hefð er fyrir að Breiðafjarðarnefnd fari í eina vettvangsferð um verndarsvæðið á sumri hverju. Tilgangur vettvangsferðar er að nefndarfolk kynnist Breiðafirði og sérkennum hans nánar, ásamt því sem heimsóttir eru staðir sem tengjast beint starfsemi nefndarinnar, t.d. umsögnum hennar um framkvæmdir. Síðan 2020 hafa vettvangsferðir líka fengið það hlutverk að koma Breiðafjarðarnefnd saman þar sem flestir fundir nefndarinnar eru orðnir fjarfundir og gefst nefndarfólki því ekki oft tækifæri til að hittast í raunheimum.

Breiðafjarðarnefnd ákvað að fara um norðanvert Snæfellesnes í ár og skoða nokkur svæði sem tengjast málefnum Breiðafjarðar síðustu árin. Nefndin vildi svo kynna sér sérstaklega tvö strandvötn við Breiðafjörð, Lárvaðal og Hraunsfjörð, til að kanna mögulega endurheimt þeirra. Meira um mögulega endurheimt Hraunsfjarðar í næsta kafla.

Umhverfis-, orku- og loftslagsráðherra, Guðlaugi Þór Þórðarsyni, var boðið að koma í vettvangsferðina en boðaði forföll stuttu fyrir ferðina vegna ófyrirsjáanlegra aðstæðna.

⁴ <https://www.breidafjordur.is/wp-content/uploads/2024/02/Framkvamdaaetlun-2022-2025.pdf>

Viðkomustaði nefndarinnar má sjá á mynd 2.



Mynd 2: Áfangastaðir Breiðafjarðarnefndar í vettvangsferð sumarið 2023.

Hægt er að lesa nánar um vettvangsferðina á heimasíðu Breiðafjarðarnefndar undir útgáfu⁵.

Áherslumál Breiðafjarðarnefndar árið 2023

Breiðafjarðarnefnd hefur í gegnum tíðina stutt við rannsóknarstarf við Breiðafjörð í þeim tilgangi að efla og varðveita þekkingu um menningu og náttúru svæðisins.

Breiðafjarðarnefnd setti sér það markmið árið 2022 að leggja enn meiri áherslu á rannsóknir og aðra þekkingaröflun um Breiðafjörð. Afurð þess má sjá í framhald á rannsóknarvinnu sem hófst 2022 og hélt áfram 2023.

Framkvæmdaáætlun Breiðafjarðarnefndar 2022- 2025

Breiðafjarðarnefnd markaði sér framtíðarsýn árið 2023 sem hún mun hafa að leiðarljósi á starfstíma sínum til ársins 2025. Með þá framtíðarsýn í huga ásamt þeim forgangsatriðum sem sett eru fram í Verndaráætlun fyrir Breiðafjörð 2014-2019 hefur nefndin útbúið framkvæmdaáætlun fyrir tímabilið 2022-2025. Í henni er verkefnum raðað í forgangs röð eftir mikilvægi, þau tímasett og ábyrgðaraðili

⁵ Breiðafjarðarnefnd. (2023). Vettvangsferð Breiðafjarðarnefndar. <https://www.breidafjordur.is/wp-content/uploads/2024/02/Vettvangsferd-2023.pdf>

tilgreindur. Áætlun Breiðafjarðarnefndar byggir á því að fjárveitingar til nefndarinnar verði svipaðar og verið hefur síðastliðin ár.

Tilgangur áætlunarinnar er að auðvelda yfirsýn yfir þau verkefni sem sett eru fram í verndaráætlun og að reyna að hámarka afköst nefndarinnar miðað við óbreyttar fjárveitingar. Hægt er að skoða framkvæmdaáætlun á heimsíðu Breiðafjarðarnefndar ⁶.

Örnefnaskráning

Breiðafjarðarnefnd gerði árið 2022 samning við Náttúrufræðistofnun Íslands um framhald örnefnaskráningar. Verksamningur milli Breiðafjarðarnefndar og Náttúrufræðistofnunar Íslands tók til árána 2022 og 2023 og er gert ráð fyrir að verkefnið klárast í ársbyrjun 2024. Náttúrufræðistofnun Íslands mun kynna niðurstöður verkefnis fyrir Breiðafjarðarnefnd samkvæmt samningi.

Þorvaldur Þór Björnsson, starfsmaður Náttúrufræðistofnunar, hefur unnið verkefninu á síðustu árum. Þekking á örnefnum fer þverrandi og telur nefndin mikilvægt að halda skráningu þeirra áfram og að afrakstur verkefnisins skili sér til almennings í gegnum kortagrunn Landmælinga Íslands.

Nefndin hefur um árabíl tekið þátt í fjármögnun örnefnaskráningar á verndarsvæðinu og hafa nokkrir aðilar komið að þeim verkefnum. Nefndin gerði fyrst samning við Náttúrufræðistofnun Íslands um örnefnaskráningar á Breiðafirði árið 2019 og felur verkefnið í sér skráningu örnefna eyja, skerja og flæðiskerja á Breiðafirði. Stór hluti verkefnisins snýr að því að hafa samband við heimamenn og aðra þá sem þekkja til örnefna á Breiðafirði, bæði til að leita uppi örnefni og staðfesta þau. Þannig er hægt að staðfesta áður skráð örnefni og skrá önnur sem ekki hafa áður verið skráð. Þorvaldur Þór Björnsson sér um að safna örnefnunum og Anette Theresia Meier sér um flutning landupplýsinga í kortagrunn Landmælinga Íslands.

Hægt er að skoða örnefni í örnefnasjá Landmælingar Íslands⁷.

Gróðurannsókn í eyjum Breiðafjarðar

Breiðafjarðarnefnd fjármagnaði rannsókn á gróðurfari 22 eyja á sunnanverðum Breiðafirði árið 2014. Niðurstöður hennar voru birtar í skýrslu 2018. Skýrslan er aðgengileg á heimasíðu nefndarinnar⁸.

Árið 2022 ákvað Breiðafjarðarnefnd að láta gera hliðstæða rannsókn á fleiri svæðum. Leitað var til Náttúrustofu Vestfjarða, sem kannaði gróður völdum eyjum við Skarðsströnd á norðaustanverðum Breiðafirði sumarið 2023. Niðurstöður rannsóknarinnar verða birtar opinberlega árið 2024 samkvæmt samningi.

⁶ Breiðafjarðarnefnd. (2024). *Framkvæmdaáætlun Breiðafjarðarnefndar 2022-2025*.

<https://www.breidafjordur.is/wp-content/uploads/2024/02/Framkvaemdaaetlun-2022-2025.pdf>

⁷ Landmælingar Íslands. Örnefnasjá. <https://ornefnasja.lmi.is/mapview/?application=ornefnasja>

⁸ Norwegian Institute for Bioeconomy research. (2018). *Iceland, Breiðafjörður, vegetation, mapping, plant species, overgrowing, birdlife*. <http://www.breidafjordur.is/wp-content/uploads/2022/04/Vegetation-mapping-of-islands-in-Breidafjordur-West-Iceland-2018-2.pdf>

Með gróðurannsókninni vill Breiðafjarðarnefnd stuðla að betri þekkingargrunni um gróður á eyjum Breiðafjarðar, sem tekur stöðugum breytingum vegna breytinga á nýtingu og loftslagi. Gróðurfar hefur á hluta verndarsvæðisins tekið breytingum með breyttri landnotkun og minnkaðri búsetu í eyjum. Þetta getur haft áhrif á landslag, sem er eitt af því sem verndað er samkvæmt lögum nr. 54/1995 um vernd Breiðafjarðar, og getur sömuleiðis haft í för með sér áhrif á dýralíf svæðisins. Í því samhengi er m.a. mikilvægt að afla þekkingar um framandi og ágengar tegundir til að geta frekar komið í veg fyrir skaðlegar breytingar af þeirra völdum.

Rannsókn á framandi tegundum í sjó á Breiðafirði

Breiðafjarðarnefnd hóf samstarf við Náttúrustofu Suðvesturlands árið 2023 um rannsókn á útbreiðslu framandi tegunda í sjó í Breiðafirði.

Framandi tegundir eru í dag taldar önnur helsta ógnin við líffræðilegan fjölbreytileika á heimsvísu. Fram til ársins 2015 var málaflökki framandi tegunda í sjó ekki sinnt að neinu ráði á Íslandi. Þá veitti Náttúrustofa Suðvesturlands málaflöknum heimili og frá þeim tíma hefur þekktur fjöldi framandi tegunda í sjó við Ísland meira en tvöfaldast. Náttúrustofa Suðvesturlands býr í dag yfir helstu sérþekkingu á framandi tegundum í sjó við Ísland.

Náttúrustofa Suðvesturlands gerði áætlun um rannsókn á framandi tegundum í höfnum við Breiðafjörð í apríl 2023 sem Breiðafjarðarnefnd samþykkti á sínum fundi í maí 2023. Samstarf sem skapaðist í kjölfarið faldi í sér að náttúrustofan vinni rannsóknarverkefni til ársins 2025. Vettvangsvinnan fór fram í ágúst 2023 og verða niðurstöður rannsóknaðar gerðar aðgengilegar almenningi þegar þær liggja fyrir í ársbyrjun 2025.

Framtíð Breiðafjarðar

Þann 18. janúar 2021 sendi Breiðafjarðarnefnd umhverfis- og auðlindaráðherra erindi með tillögum sínum um framtíð verndar, nýtingar og stjórnunar verndarsvæðis Breiðafjarðar. Skýrslan ber nafnið „Framtíð Breiðafjarðar - Samantekt og niðurstöður Breiðafjarðarnefndar“ og er aðgengileg á heimasíðu Breiðafjarðarnefndar⁹.

Í kjölfarið skipaði umhverfis-, orku- og loftslagsráðherra, Guðlaugur Þór Þórðarson, stýrihóp um forsendugreiningu fyrir verndun Breiðafjarðar og tengsl við byggðapróun vorið 2022. Stýrihópnum er falið að stýra vinnu þar sem greint verður verndargildi svæðisins og áhrif þess, tækifæri og ógnanir, á samfélag, byggð og atvinnulíf. Greining stýrihópsins mun leiða til tillögu um framtíð verndarsvæðis Breiðafjarðar.

Meðal fulltrúa í stýrihópnum er formaður Breiðafjarðarnefndar, Erla Friðriksdóttir, og var starfsmaður Breiðafjarðarnefndar jafnframt starfsmaður stýrihópsins fram að júlí 2023.

⁹ Breiðafjarðarnefnd. (2021). *Framtíð Breiðafjarðar - Samantekt og niðurstöður Breiðafjarðarnefndar*. http://www.breidafjordur.is/wp-content/uploads/2021/01/20210119_framtid_Breidafjardar_2021.pdf

Niðurstöður stýrihópsins verða sendar á umhverfis-, orku- og loftslagsráðherra að loknum störfum sem tekur frekari ákvörðun um framtíðarstefnu hvað varðar verndun og byggðapróun Breiðafjarðarsvæðisins.

Endurheimt Hraunsfjarðar

Breiðafjarðarnefnd samþykkti í vor 2023 að skoða mögulega endurheimt Hraunsfjarðar. Nefndin kynnti sér Hraunsfjörð í vettvangsferð sinni í ágúst 2023 og fékk kynningu um svæðið frá sérfræðingi Hafrannsóknarstofu, Sigurði Má Einarssyni. Sigurður sagði frá mögulegum afleiðingum og ráðlagði Breiðafjarðarnefnd um framhald verkefnis.

Nefndin vinnur greinargerð þar sem hugmyndir hennar um mögulega endurheimt verða teknar saman og málinu vísað áfram til umhverfis-, orku- og loftslagsráðherra.

Lokaorð

Breiðafjarðarnefnd markaði sér framtíðarsýn sem hún mun hafa að leiðarljósi á starfstíma sínum til ársins 2025. Hún skráði framtíðarsýn ásamt þeim forgangsatriðum sem sett eru fram í Verndaráætlun fyrir Breiðafjörð 2014-2019 á starfsári og bjó til framkvæmdaáætlun fyrir tímabilið 2022-2025. Í henni er verkefnum raðað í forgangsörð eftir mikilvægi, þau tímasett og ábyrgðaraðili tilgreindur. Áætlun Breiðafjarðarnefndar byggir á því að fjárveitingar til nefndarinnar verði svipaðar og verið hefur síðastliðin ár en augljóst er að afköst nefndarinnar væru meiri við frekari fjárveitingar.

Breiðafjarðarnefnd telur mikilvægt að efla rannsóknir á verndarsvæði Breiðafjarðar og undirritaði tvo samstarfssamninga árið 2022. Nefndin undirritaði annan rannsóknarsamning árið 2023 og er sú rannsókn stærsta verkefni Breiðafjarðarnefndar á starfstímabili. Rannsókn er þriggja ára verkefni sem skoðar framandi tegundir í sjó Breiðafjarðar.


Breiðafjarðarnefnd telur að rannsóknir leggja grunn að vísindalegum þekkingargrunni um Breiðafjörð sem gagnast í ákvarðanatöku um framtíðarstefnu og stjórnun á verndarsvæði Breiðafjarðar.

Breiðafjarðarnefnd hefur þess vegna lagt mikla fjárveitingar í rannsóknir á starfstíma, u.þ.b. 50% fjárheimildar hennar á ári 2023. Nefndin mun halda áfram að veita þessum málaflokk fjármagn og gerir ráð fyrir að veita 5 millj. króna í rannsóknir 2024, eða um 40% fjárheimild hennar.

Vernd Breiðafjarðar er á ákveðnum tímamótum. Eftir nær óbreytt lagaumhverfi í tæpa þrjá áratugi stendur nú yfir vinna að stefnumótun um framtíð verndarsvæðisins. Breiðafjarðarnefnd hafði frumkvæði að þeirri vinnu og leitaði samráðs við hagsmunaaðila og samfélagið allt. Í ársbyrjun 2021 skilaði hún hugmyndum sínum til ráðherra umhverfismála, sem í framhaldinu skipaði stýrihóp ráðuneyta og fulltrúa sveitarfélaga við fjörðinn. Hlutverk hans er að skoða mögulega framtíð svæðisins með tilliti til verndar og byggðapróunar. Niðurstöður stýrihóps munu væntanlega hafa áhrif á verndarsvæði til framtíðar.

Nefndin þakkar ráðherra, starfsfólki ráðuneytis og öðrum sem hún hefur átt í samstarfi við fyrir samskipti og samstarf á liðnu ári.

Óski ráðherra eftir frekari upplýsingum um störf Breiðafjarðarnefndar á árinu 2022 verða þær að sjálfsögðu veittar.



Erla Friðriksdóttir, formaður

f.h. Breiðafjarðarnefndar